

二十日

浙江巡按劉之待一本起解犯官等事奉

聖旨黃尊素解到送鎮撫司嚴行究問具奏

二十五日

西城御史李燦然一本地方失火事奉

聖旨朝天宮係勅建殿宇千官習禮之處火災突發
深動朕心大小臣工宜倍加修省以回天意該
坊官力護草場姑免罰治其殿內曾否焚燒香
火李燦然還確查具奏該部知道

吏部一本缺官事奉

聖旨葉大受歛弄是非排陷正人姑着削了籍負缺
另推來用

禮部尚書李思誠等一本火災等事奉

聖旨火變示警已有旨上下痛加脩省若舉朝臣子
能洗心滌慮守政公心自然天意可回朕覽諸
臣章奏未常不虛懷採納何得專指王永光一
疏為言且本內既無司官案呈便係奏本如何
題本用印大臣舉動以終還宜謹慎

六月初五日

兵部一本清查兵馬更定營伍事奉

聖旨是內贊畫茅元儀上年樞輔疏請以真病回籍
如何輒加副總兵職銜顯屬鑽刺着削了籍為
民

吏部會推協理工程工部右侍郎范濟世

初八日

山西巡撫曹爾禎一本以清伏戎等事奉

聖旨孫居相名下贓銀二萬八千兩黃金九十三兩
俱已追完着照數查收該部知道

北鎮撫司一本欺君箴 旨等事奉

聖旨黃尊素招出贓銀二千八百兩着勒限嚴追完

日具奏

刑部一本民力已竭事奉

聖旨越其杰行撫按官追贓糜餉三千兩完日發遣
又一本按遼罪狀久明事奉

聖旨方震孺續完銀二千兩着查收助工其未完的
仍勒限嚴追以結前局

禮部一本傳奉事奉

聖旨是皇太子薨逝自當素服輟朝着于初九初十
二日其十三日素服原因地震修省不得併

一事

十一日

諭內閣吏部都察院

聖諭上天仁愛一月三示警戒朕夙夜憂惶敬天之
怒脩省實政亟宜舉行前覽樞臣王永光所奏
停工緩刑言若忠愛朕熟思旬日念皇極殿工
已八九止用銀一百五十萬兩不派擾民不侈
壯麗復查邊儲歲解不缺外發帑又二千餘萬
已同逝波竟無實濟且皇極殿工用什物木不
求全后不棄瑕節畱存留物料積即接構三
殿計外解一百餘萬未至皇考發帑百萬尚存

業已罷督徵停搜括蠲編派矣乘此內外臣工
協心併力通融樽節即事半而功倍且一勞而
永逸器具無朽敗散失之虞商匠需經營恭養
之澤中外臣民宜悉此意若司民牧守封疆者
皆如大工官解侵漁民無嗟怨則何功不奏何
治不隆乎永光再奏云未見恩免何項寬恤何
人止望朕調劑簡省朕俯悼民隱仰惕天威正
當罪已每思改弦飭爾諸司舉行實政見今民
窮已極優卹何方東南兵燹救寧何術匪蘇民
困莫挽天心朕研慮焦思企望平治况今年盜
龍袍內庫二案朕懲積奸已從重典其奸細俘
囚強盜律不待時原未違春生夏育之天似未
有濫刑妄殺之獄今後諸司問擬宜體不得已
而用刑之意便奉從重之旨務為持法之平縱
情重于罪亦只罪當而止朕後世子孫不許從
重議之旨著為令朕又仰思

祖刑不上冠紳崇養士節柰士不自愛爭為奸宄
如周宗建首保熊廷弼于亡遼之後何為陶朗
先靡帑賂遺以衆撓法以巡城御史歛多官銀
兩創建書院自甘督工翼戴奸邪抗旨倡亂碑

文見在喪盡良心又惡郭鞏力攻廷弼遂誣鞏
交結內侍克鋒狡語遠伏疑案欺朕幼冲敢以
伐衛制楚之術玩弄要挾及朕密訪博詢都無
影響正合祖宗設立紅牌說謊面欺之律朕慎
重■誅姑行提問不敢失

皇祖隆士盛心却又以一薪俸作贓認莫須有之罪
郡縣扶同并以侮朕周順昌始則逗撓詔獄以
孫女婚魏大中繼則奉旨逮問糾黨稱亂箴旨
欺君雖遣後貪狼半由自取而孫婚重犯顯倡
不臣黃尊素為李若星居間分贓自肥座師破
例賄入吏部攬亂朝政僅僅削籍故里又認司
房宗族暴豪鄉井非復人理可謂士乎夫朝廷
重士士實自輕朝廷逮官官返侮上若一味含
糊寬假則春秋無將之誅謂何或難乎其為上
矣諸臣不詳察不自省輒另具肺腸動以為朝
廷之過朕未曉焉卿等可平心衡量朕之所言
果輕聽乎果偏徇乎朕為天下主八柄自持目
擊群克大慙欺天罔人淆亂政紀朕何忍斃
祖宗之法而任其肆逞滔天也耶你每大臣位重股
肱道崇忠直若皆事不課實過忍疑君一體何

居靖共安在試各清夜自思二千萬餉今日何在
在天災民困何以致然應否徹底澄清應否懲
前戒後其諸囚罪狀是否深
各自吐情實毋
挾縱橫之術莢惑萬世人心敬天憫人朕弗敢
替

祖宗法度朕曷敢私特諭

十二日

湖廣巡按陸獻明一本報解犯官贓罰事奉

聖旨楊漣梅之煥等見完贓銀着先解進以助大工
其未完的勒限嚴追別行報解該部知道

十三日

督師王之臣一本東虜窺窬事奉

聖旨陳民情准回部姜雲龍見掌制勅管關主事着
別推一員去該部知道

吏部尚書王紹徽一本欽奉

聖諭事奉

聖旨奏繳聖諭該衙門分疏用印如何獨自書名具
疏內又兼條陳殊非回奏之體帑金二千萬兩
靡費不止三人何不悉行查出大臣章疏還宜
詳慎

又一本欽奉

聖旨事江西缺吏部司官推兵部主事萬谷春魯棟奉

聖旨江西司官還着另推來用

十七日

太常寺少卿韓繼思一本病沉無望痊可事奉聖旨韓繼思准在籍調理病痊起用該部知道

十八日

南京右都御史喬應甲一本臣力益衰事奉聖旨卿以夙望簡總督臺乃請告情詞懇切准照新

銜致仕以成高尚該部知道

都察院一本考察事奉

聖旨劉之鳳貪險不正南北昭彰着剋帶閑住

十九日

南道游鳳翔等一本天心仁愛事奉

聖旨這條陳各款俱屢奉明旨中外共知游鳳翔先經考察劣轉知府今從寬典姑復原官今乃逞臆市恩撫拾瑣屑着仍舊知府去該部知道

二十日

北鎮撫司一本病故犯人事十七日犯人周順

昌病故奉

聖旨周順昌病故着委官相視明白屍親領埋其未完贓銀行彼處撫按追完解進以助大工該部知道

二十三日

鎮撫司一本病故犯人事十八日犯官周宗建病故奉

聖旨周宗建病故着委官相視明白親人領埋其未完贓銀行彼處撫按追完解進以助大工該部知道

二十九日

兵部郎中吳淳夫一本時事多艱事奉

聖旨山人墨客不宜交往這本說的是但輔臣忠猷正茂倚任方殷不得輕詆該部知道
大學士馮銓一本抱病難痊事奉

聖旨卿才猷練達佐理忠勤時事多艱何得以人言求去還着即出贊襄以副朕懷該部知道

閏六月初二日

御史劉徽一本

王主求治甚切事奉

聖旨劉徽與輔臣同鄉也來隨聲附和該部知道
御史陳朝輔一本灾異屢變等事奉

聖旨輔臣不得輕詆已有旨了言官果有當言何反
踵部臣之後隨聲附和該部知道

浙江巡撫潘汝禎一本俯順輿情事奉

聖旨據奏魏忠賢心勤為國念切恤民憫兩浙連歲
之災傷蠲百年相沿之鋪墊宜從衆請用建生
祠着于地方營造以垂不朽改造撫賞等項俱
係急需還着作速解運該部知道

又一本計期伊通事奉

聖旨魏大中贓銀追完二千三百六十餘兩解至着
監部科道照數查收以助大工該部知道

御史陳朝輔一本輔臣聞言飾辯事奉

聖旨這本說輔臣馮銓事蹟多端即着回籍閑住以
候公論之自定程夢庚惡甚于汪文言已經該
廠鞫問不得輕縱該部知道

太常寺少卿趙興邦一本臣病方深事奉

聖旨趙興邦着冠帶閑住該部知道

應天巡撫毛一鷺一本查勘登萊舊撫事奉

聖旨這追過陶朗先贓銀一萬八千八百五十餘兩

候解到照數查收以助大工其未完數多着令
浙江撫按于原籍秀水嚴追速解不得遲悞該
部知道

初五日

鎮撫司一本病故犯人事初一日犯人黃尊素
病故奉

聖旨黃尊素病故差官相視明白親人領埋其未完
贓銀行彼處撫按追完解進該部知道

初六日

吏部一本缺官事山西缺副使推保定知府
萬齡湯道衡奉

聖旨祝萬齡俸淺別推來湯道衡曾經拏問朦朧起
用已屬漏網何又推陞着剋帶閑住

初七日

吏部一本缺官事奉

聖旨謝啓光陞南京兵部右侍郎

初八日

鎮撫司一本病故犯人事奉

聖旨李應昇病故着委官相視明白親人領埋其未
完贓銀行彼處撫按追完解進該部知道

十五日

吏部一本缺官事奉

聖旨周之綱依附邪黨着冠帶閑住太常寺卿員缺另推來用

十八日

大學士顧秉謙等一本揆地乏人事奉

聖旨覽卿等奏具見忠誠為國朕已鑒悉政本乏人所請枚卜朕知道了着吏部會同九卿科道從公諮訪勿拘資格須求真才將見任并在籍素行公謹才品練達的多推幾員來俟朕簡用該

部知道

刑部負外趙九真一本恭遇

慶陵告成事奉

聖旨趙九真既以叙功准復原官前後資俸例應通筭張泰階資俸在後已經轉府九真六載勤勞猶滯刑曹似非政體吏部知道

刑部一本按遼罪狀事奉

聖旨方震孺續完贓銀二千兩着工部照數查收以助大工知道了

錦衣衛千戶梁維經一本欺君筴

內訌
事奉

聖旨周起元受楊姜多賄阻撓上供袍服今已拏到
着送鎮撫司照李實原叅指稱鑄錢冒破十餘
萬兩勒限追完以助大工

二十四日

應天巡撫毛一鷺一本仰遵

明旨事奉

聖旨這奸民依擬分別正法顏佩常馬傑沈陽楊念
如周文元即着梟示吳時信劉應文丁奎許爾
成季外孫俱發邊衛充軍鄒應禎楊芳杖六十

國法已伸人心初定還須加意拊綏以安地方該部
知道

南京司禮監劉文耀一本欽奉

聖諭事奉

聖旨這解到鹽運司貯庫銀二十萬着監部科道照
數查收以助大工其未解銀一百二十萬兩着
欽差內臣胡良輔劉文耀恪遵前諭作速催解不得
聽知府顏容暄并操臣胡東漸自行差官起解
之說顏容暄顯是抗諭阻撓稽緩悞事以致各
府銀兩俱皆停止着削了籍為民當差該部知

道

二十五日

御史高弘圖一本知人不易卜相猶難事奉

聖旨枚卜共矢虛公務在得人已有旨了喬應甲生

平自負乃撫秦貪跡大著言清行濁憲體掃地

何以風示百官據言官叅論如出一口即行陝

西巡按從實勘明具奏以憑處分不得徇情隱

匿都察院知道

御史盧承欽一本輔臣已去事奉

聖旨去輔行事維系風聞這本說的是徐縉芳各項

贓銀不下數萬奉

旨追贓已久迄今不見分毫是何法紀其貯之官者

可以立取其歛之家者可以分追着行淮楊福

建兩處撫按勒限嚴追解京不得仍前違悞以

取罪戾該部知道

御史李燦然一本去輔穢迹可憎事奉

聖旨徐紹吉患得熱中投身去輔營謀要地盡喪生

平着冠帶閑住鄭履祥夙附權門今誇入幕驅

除同輩縮符職方吳殿邦多事居鄉橫衆公祖

立逐豸繡以快已私都着削籍為民當差仍追

聖諭事奉
奪誥命該部知道

二十七日

刑部尚書徐兆魁一本熱審屆期事奉

聖旨徐兆魁縱容司官賣法全不知愧而強詞飾辯
溫國奇執法臺臣反為重犯求寬成何憲體都
着冠帶閑住劉鐸犯罪得釋已屬漏網又代人
居間行賄明設騙局着提了問方震孺追贓未
完復增一案罪上加罪其受賄司官伺鎮撫司
審明具奏處分該部知道

河南巡按楊維垣一本欽奉

聖諭事奉

聖旨是李若星誥命已經追繳其霍振芳余思明等
并着一體追奪該部知道

二十九日

刑部左侍郎沈演一本司官開報舛錯事奉

聖旨假官章燁斗既稱情屬可矜又云法不容貸前
後語言展轉支吾摭飾強辯豈成法司之體沈
演着削籍為民該部知道

御史袁鯨一本冢臣聞言心悸事奉

聖旨王紹徽贓私狼籍着冠帶閑住該部知道

三十日

鎮撫司一本欺君箴

旨事奉

聖旨這二犯名下追出見在贓銀五十八兩着送監部科道照數查收以助大工該部知道

七月初一日

直隸巡按楊茂春一本奸貪之積蠹宜清事奉聖旨方大任見追贓銀一千一百五十餘兩既經貯庫着作速解進以助大工徒罪不准納贖照例發配該部知道

初四日

兵部尚書王永光一本推帥萬不宜遲事奉

聖旨卿為本兵從實做事朕所素知乃屢奉溫旨堅卧不出恐悞部務准回籍調理還與馳驛去該部知道

吏部一本積勞病劇事奉

日李廷芳托病規避着冠帶閑住吏部知道吏部一本缺官事奉

聖旨周應秋陞吏部尚書遺下左都御史員缺着會推來看以憑簡用

初五日

浙江巡按劉之待一本計期伊邇事奉

聖旨魏大中陶朗先疏內見追贓銀着作速差官解

進以助大工其未完的仍着該撫按嚴行搜索

追比不得徇情隱匿該部知道

又一本日久勞臣功積未明事知府杜喬林俱

奉

聖旨該部知道

初七日

鎮撫司一本緝獲事奉

聖旨劉鐸着鎮撫司提問

初九日

吏部會推

左都御史房壯麗 崔呈秀

兵部尚書馮嘉會 王在晉

刑部尚書薛 貞 靳于中

十二日

吏部一本缺官事奉

聖旨王繼曾陞尚寶司卿史孔吉係高攀龍邪黨如

何謀幹京堂且着冠帶閑住該部知道

刑部一本遵例糾拾事奉

聖旨邢元吉等候追贓完日具奏

十六日

戶部尚書李起元一本病勢以深事奉

聖旨卿勤勞國計倚任方殷請告情詞迫切行履果

屬艱難准回籍調理還與他馳驛去該部知道

吏部一本欽奉

聖諭事奉

聖旨施鳳來張瑞圖李國樞各陞禮部尚書兼東閣

大學士俱入內閣同元輔顧秉謙等辦事

十七日

大理寺右寺丞呂鵬雲一本親病事奉

聖旨呂鵬雲准在籍調理痊可前來供職該部知道

十九日

工部尚書薛鳳翔一本司官放肆無忌事奉

聖旨門洞開小才矜已盛氣凌人全無實事實心一

味發抄發揭堂官叅屬灼見頗真着冠帶閑住

吏部知道

二十二日

鎮撫司一本訪據事奉

聖旨鄭崇光徐石麒贓私狼籍着削籍為民追奪誥命其韓三原供奸輔韓爌受過贓銀共二千六百兩既行彼撫按追解必要勒限速完其疏內韓閣下字樣甚非君前臣名之義許顯純不諳事體始不究其所進追完贓銀三千九百六十五兩着監部科道照數查收各犯并交贓銀犯人通送刑部依律擬罪該部知道

二十四日

吏部一本缺官事奉

聖旨是年志夔陞大理寺少卿管東路事

又一本欽奉

聖旨事奉

聖旨陳胤叢陞大理寺右寺丞

漕運蘇茂相一本遵

旨追贓事奉

聖旨袁世振等各犯贓銀先後盡數追完知道了

鎮撫司一本訪獲事奉

聖旨犯人史大任等通送刑部依律擬罪司官翟師偃馮士渠李升問枉法受贓本當杖處姑削籍為民追奪誥命劉鐸方震孺身在囹圄猶代人

居間過付加罪有法不得徇私該部知道

二十五日

吏部一本欽奉

聖旨事奉

聖旨崔呈秀加陞工部尚書兼都察院左副都御史

照舊督察大工事務駱從宇轉吏部左侍郎曹

思誠陞吏部右侍郎

又一本樞務需人事

題武庫司郎中吳淳夫調職方司郎中員外董象恒

陞武庫司郎中

二十七日

吏部一本缺官事奉

聖旨保定畿輔重地岳和聲寫遠不便到任潘雲翼

三朝要典內疏稱楊漣無罪去國忠臣扼腕豈

是公言着剋帶閑住員缺另推來用

又一本缺官事奉

聖旨邊疆多事樞貳需人甚急郭尚賓迢遞不便到

任袁可立陞兵部左侍郎魏應嘉陞兵部右侍

郎

又一本缺官事奉

聖旨邊疆多事樞貳宜擇馬從龍年老且曾經考察
不堪擢用員缺另推來看

大學士顧秉謙等揭帖奉

聖旨劉天錫係周宗建私黨久居密勿着削籍為民
追奪誥命該部知道

御史田景新一本點督既設事奉

聖旨李樞以需索金盆激變至今流禍無窮田景新
所舉不當該部知道

二十九日

吏部一本缺官事奉

聖旨馬之騏陞祭酒

又一本缺官事奉

聖旨朱童蒙陞都察院右副都御史巡撫延綏等處
地方督理軍務馮勅與他

八月初一日

陝西巡撫張維樞一本解進已完捐資銀兩事
奉

聖旨張問達已完銀三萬兩着戶部照數查收以助
軍興其未完銀七萬兩仍着撫按速催完解該
部知道

初二日

吏部一本欽遵

聖旨事奉

聖旨陸康穆張履端俱係門戶着冠帶閑住員缺另

推來用

初七日

巡捕提督張體乾一本神奸賄囑左道事奉

聖旨劉鐸居間擬成又賄囑妖人鎮魘咒咀重臣并

妖犯方景陽曾雲龍彭文龍家人辛雲劉副等

都着錦衣衛拏送鎮撫司嚴刑究問具奏其

李理清隨審

吏部

題陞南太常寺卿張守道

福建右叅政劉之待

湖廣僉事周宗文

靖州兵備道王會圖

山西右叅議杜三策

四川右叅議張鵬雲

陝西右叅政侯恂

初八日

吏部一本缺官事奉

聖旨侯恂杜三策徐應秋俱係門戶俱着削籍為民
追奪誥命劉之待與前會單不同顯是徇私更
換司官罰俸三月以後推陞各宜詳慎堂上官
亦宜用心檢點不得任憑該司混推
刑部一本緝獲事奉

聖旨方震孺原以擬絞不思悔禍又復居間扞法加
斬非過劉鐸身罹法網仍肆奸貪為人夤緣加
戍允宜李瑞以賜金用
一併戍其餘依擬

初十日

吏部尚書周應秋一本乞

恩認罪事奉

聖旨國家進賢退奸全賴大臣一切擔當卿等方任
統均掌握銓政乃聽人改換大臣靖共之誼謂
何以後還宜銳志主持振刷仔肩不可為司官
搖惑今既認罪朕知道了

十一日

起補行人司正李徵儀

浙江道陳保太

十二日

大理寺寺副董茂中一本微臣備員刑曹事
奉

聖旨該部知道

十六日

吏部一本欽奉

聖旨事陝西缺副使推吏科王鳴玉丁魁楚福建缺
副使推原任御史胡士奇盧洪珪山東缺右叅
議推御史楊建烈胡一龍俱奉

聖旨是有點的用後科道年例外轉不必陪推

正推有點
鎮撫司一本緝獲事奉

聖旨劉鐸賦性奸貪設心險毒既以營謀擬戍復圖
鎮斃重臣方景陽因妾殺妻已干大辟今又肆
行邪術咒興妖一千人犯都送刑部從重擬
罪張體乾緝捕有功陞都督同知把總谷應選
加陞叅將仍管把總事其餘叅將中軍等官着
兵部照例優叙該部知道

十九日

吏科楊所修一本例轉逾額太多事奉

聖旨言官朝廷耳目朕豈有厭薄之意但更換非體

故令再推今春秋例轉仍用科二道四未嘗逾額已有旨了該部知道

二十一日

吏部一本循例轉陞京堂事奉

聖旨彭汝楠不准添註候實缺推用

南刑部尚書吳崇禮一本熱審

屆期事奉

聖旨吳崇禮既有病着致仕回籍吏部知道

刑部一本神奸賄囑等事奉

聖旨劉鐸左道與妖罪上加罪擬絞未盡厥辜曾雲

龍彭文炳劉福辛雲明係同謀豈止徒杖司官

高默徐日葵陳振豪湯本沛不遵堂批徇情賣

法本當處治姑着再審依律從重擬罪具奏

二十四日

刑部一本欽奉

聖諭事奉

聖旨是錢士晉着行彼處撫按照原擬追贓發落

一十五日

吏部一本欽奉

聖旨事奉

聖旨楊惟和見在琉璃窯管事不便他轉聶慎行准
吏部司官

北鎮撫司一本訪據事奉

聖旨程夢庚等贓銀十三萬六千兩本司立限嚴追
吳養春贓銀六十餘萬着行該撫按照數作速
追解其山場木植銀三十餘萬兩工部即差官
會同撫按估計變價解進俱以助大工山場地
二千四百餘畝并隱匿山地以拋荒地土未
入冊者查出并科盡歸朝廷不得仍前隱漏廠

臣魏忠賢報國丹心發奸巨手搜剔黃山之

弊克襄紫極之浩煩省金錢而工愈饒不加賦

而財用足種種勛勞茲功更茂着廕弟侄一人

與做錦衣衛指揮世襲給與應得誥命仍賜勅

獎勵以示優異還賞銀五十兩采段四表裡羊

二隻酒三十瓶新鈔三千貫原辦官旗照例優

叙該部知道

通政使馬從龍一本年衰老疾事奉

聖旨馬從龍稱病果真着致仕回籍吏部知道

二十七日

吏部尚書周應秋等一本申明

例推事奉

聖旨科道例轉京堂候補實缺已有旨了如何又來
賂賣顯是司官徇情市恩堂上官主持何在還
着遵前旨行

刑部一本神奸賄囑左道事奉

聖旨劉鐸曾雲龍彭文炳劉福俱依擬即便會官處
決辛雲姑遣戍方景陽雖已物故還當戮屍司
官高默徐日葵陳振豪湯本沛先係徇情賣法
及奉嚴旨總行改正着降三級調外任該部知

道

二十八日

吏部一本缺官事奉

聖旨董茂中陞南京尚寶司司丞

鎮撫司一本遵奉

懿旨事奉

聖旨犯人徐自強等着送刑部如律擬罪張國紀身
係皇親宜恪遵禮義不得濫用匪人本當送國
子監演禮三年姑着自行省改該部知道

原任登萊巡撫武之望一本積勞久病事奉

聖旨武之望三疏請告情詞迫切准回籍調理病痊

起用該部知道

吏部上本

陞太僕寺少卿陳王廷 王業浩

太常寺少卿彭汝楠 楊所修

三十日

左副都御史劉廷元一本

三朝要典事奉

聖旨皇考實錄已有旨改正即行擇日開館舉行曹

學佺私撰野史搖惑人心本當拏問姑從輕削

了籍為氏其書板即行波處撫按官嚴追焚毀
餘着該部院查確具奏

九月初一日

內閣傳出

上傳與吏部太僕寺卿顧慥久病家居不來供職着

冠帶閑住其餘各衙門官有年力衰邁步履艱

難者宜恬退中有品望超卓者又不妨加銜致

仕以示分別

吏部一本官職未盡事奉

聖旨周文煥前已更換作葵又今規避給假着冠帶

閑住

吏部又一本缺官事奉

聖旨會典太常寺額設卿一員少卿二員今額外多設已非舊制何得復行濫推彭汝楠等着以原官供職候額內實缺陞補

又一本缺官事奉

聖旨會典太僕寺額設卿一員少卿二員今額外多設已非舊例何得復行濫推陳王庭等着以原任供職候額內實缺陞補

南工部侍郎盧大中一本赴闕給由患病事奉

聖旨盧大中准加銜致仕該部知道

初二日

吏部一本欽奉

聖諭事復太僕寺卿顧慥冠帶閑住奉

聖旨因能授任朝有彝章量力服官臣有明義各官
年力衰邁的義當自裁其素有品望的着多加
銜致仕以示風勵你部即遵旨分別具奏行

初四日

刑科黃承吳一本督撫既以分任事奉

聖旨黃承吳係東林不自引避反條陳塞責着削了
職為民當差仍追奪誥命該部知道

兵科郭興治一本奴氛未靖事奉

聖旨吳溥夫勁骨孤貞這本存的是着加陞京堂照
舊管事姜雲龍居間鑽刺躍冶不祥削了籍為
民仍追奪誥命

初五日

大理寺寺丞余合中一本病久不能供職事奉

聖旨余合中稱病果真准加銜致仕吏部知道

初七日

吏部一本缺官事奉

聖旨曹思誠陞吏部左侍郎汪輝仍以吏部左侍郎

管右侍郎事兼翰林院侍讀學士錢龍錫久係

門戶着削籍為民仍追奪誥命

又一本缺官事奉

聖旨倪思輝久係門戶着削籍為民仍追奪誥命趙

綬陞通政使司通政使

人一本缺官事奉

聖旨徐如珂久係門戶着削籍為民仍追奪誥命李

逢節陞南京工部右侍郎

又一本缺官事奉

聖旨謝啟光陞南京兵部添註右侍郎毛一鷺陞南

京兵部右侍郎朱欽相久係門戶着削籍為民
仍追奪誥命

十二日

吏部一本奴氛未靖事奉

聖旨吳淳夫陞太僕寺少卿仍管兵部職方司郎中
事遇缺填補

又一本訥言最要事奉

聖旨韓國藩久係門戶着削籍為民仍追奪誥命楊
紹震准加通政司通政使管右叅議事
又一本缺官事奉

聖旨呂圖南陞通政司右通政須之彥久係門戶着
削籍為民仍追奪誥命

廣西巡按王政新一本舉劾方面事奉

聖旨曹學佺擅作野史搖惑人心已經削奪王政新
荐舉不當着剋帶閑住該部知道

十三日

鎮撫司一本病故犯人事奉

聖旨周起元病故着委官相驗明白親人領埋其原
叅鑄錢冒破贓銀十萬餘兩着行彼處撫按嚴
提家屬追完勒限解進以助大工不得徇情遲

候該部知道

十五日

吏部一本缺官事奉

聖旨王伉陞光祿寺少卿

二十一日

吏部一本缺官事奉

聖旨蔣一驄陞尚寶司司丞

二十二日

吏部一本缺官事奉

聖旨李待問起陞都察院右僉都御史總理糧儲軍務兼巡撫應天等處地方寫勅與他

二十三日

大學士顧秉謙一本

天恩愈渥事奉

聖旨卿亮節偉猷忠勤茂著朕倚賴正殷何乃連章求去情詞懇切且欲趨出慶賀成禮始歸乃忠愛無窮又難強留特從所請着加太師廕一子與做尚寶司司丞仍遣行人護送馳驛歸里加賜路費銀一百兩采段四表裡大紅紵絲坐蟒一襲地方官不時存問月給廩米五石與輿夫

八名稱朕始終隆眷至意卿還宜為國善攝佇
候召用該部知道

神宮監胡良輔一本欽奉

聖諭事奉

聖旨這解到三項銀三十萬着監部科道照數查收
以助大工其未完操飭馬價着胡東漸徐喬遷
盡數勒限嚴追并益運司貯庫銀四十萬有奇
着巡鹽御史許其孝速催解進另有廣監庫舊
積該撫按道臣會同該監將底簿開庫清查奏
報以憑裁奪內臣胡良輔劉文耀彈力催償胡

東漸王化行任怨急公俱勞動可紀許其孝持
斧執法有裨國計尤見忠勤汪承爵剝商貪婪
抗違明旨着削籍為民行巡鹽御史追贓正罪
庫吏喻天民等書手秦玉等朋比作奸把持出
入各役頂首銀每名數千金一併嚴提追究該

部知道

刑部左侍郎吳中偉一本告承等事奉

聖旨吳中偉既以老邁引退清恬可嘉着加銜致仕
該部知道

二十五日

吏部一本缺官事奉

聖旨章光岳陞南京太常寺少卿蔡猷臣父係門戶
着冠帶閑住

二十八日

吏部一本缺官事奉

聖旨沈侍卿陞兩淮運使念路途寫遠不能遽到運
司印務着楊州推官許其進暫帶管理其未完
搜括銀兩着勒限嚴催不得稽遲

吏部一本要地府正事奉

聖旨羅重光託疾規避着削籍為民員缺即以同知
周之相加銜陞補陳聖典李時啟姑着寬限三
箇月依期作速赴任以後遠方各官不遵憑限
的一體處治

刑部一本欽奉

聖諭事奉

聖旨殿工告成中外普慶昨傳諭暫免行刑即着各
省直一體暫免以彰朕浩蕩之仁其囚犯牢固
監候該部知道

遼東巡撫袁崇煥一本天厭奴惡事奉

聖旨據報奴斃已真其子爭位狡黠叵測還着嚴加

防禦一切勦守機宜相時而行勿致踈虞該部知道

兵部一本懇鑒寃抑事奉

聖旨李曠逃入河西情差可原然抗違主帥擅離信地法在不貸着寧遠撫按酌確定奪逃回兵士作何安插併議具奏

十月初一日

吏部一本巡歷閩外事奉

聖旨近聞奴酋奪魄而自殲甌漸收而可墜斥堠益遠堂與偷安皆厥臣魏忠賢精忠報國勝筭籌邊士飽馬勝屢次輸助師武臣力咸借提衡惟朕釋東顧之憂實賴爾獲自天之禱允從部覆嚴舉彛章今特晉爾侯太子太保肅寧伯魏良卿為肅寧侯世襲官銜及歲加祿米照舊錫之誥券與國同休該部知道

初三日

直隸巡按馬逢臯一本積病增劇事奉

聖旨馬逢臯既有疾准回籍調理該部知道

南都察院一本敷陳愚見事奉

聖旨徐復陽居官賄聞着削了籍為民仍追奪誥命

員缺另推來看

初五日

兵部一本缺官事奉

聖旨徐本高久倚門戶沈光裕素有惡名俱着削了籍為民仍追奪誥命員缺另推來看

初六日

順天府房山縣民陳槐嫡子陳秉坤一本

天祚預修事奉

聖旨前陳槐妄認皇親宗派已經處分陳秉坤如何又行瀆奏着解送房山縣重責五十板監候具

奏還令厥衛五城嚴緝同謀之人以憑究治該部知道

初七日

吏部上本

陞光祿寺寺丞許昂臣

內官監一本

三朝缺典事奉

聖旨皇極殿工我

皇祖遲延未舉者三十餘年誠重之也爰及朕躬襄茲鉅典是皆厥臣魏忠賢心無二慮筭有定謀

惟斷乃成經始贊惟王之卜用人則裕提衡故
將作之勤開節有方財用贏于久訕勞來不怠
庶民悅以忘勞遂使戶牖可銘攸芋堪御俾朕
藉手以稱繼述厥成茂矣其晉秩為上公仍加
恩三等還賞銀一百兩采段八表裡羊二隻酒
三十瓶新鈔三千貫賜勅獎勵原封太子太保
肅寧侯魏良卿晉封寧國公世襲官銜照舊給
與應得誥券以昭懋賞其餘內外大小官員着
該部優叙具覆

十六日

大學士黃立極等一本遵

聖諭即刻傳示嚴衛五城等事奉

聖旨卿等為國股肱誼關休戚見無禮犯上之輩即
興鷹鷂逐雀農夫治芟等語具見卿等調燮之
慮甚周愛君之念甚切允副朕意朕甚嘉之該
部知道

十七日

工部負外鮑國忠一本

兩工題叙事奉

聖旨殿工普賚凡著有勞勩者朕都着酌量加叙鮑

國忠如何哢哢瀆陳姑不究該部知道

十八日

吏部一本酌請

皇恩事奉

聖旨張文郁葉憲祖俱陞太僕寺少卿仍各照舊管事潘達黨附熊廷弼着削籍為民該部知道

原任山西參議孫織錦一本邪黨溷淆

國是事奉

聖旨這本所指邪黨都已經處分孫織錦何不早辯該部知道

順天府府丞劉志選一本

聖主寬恩下逮戚臣怙惡事奉

聖旨據奏張國紀事跡多端朕前姑令悔過自新以全國體如何不見省改還着洗心滌慮就令改圖慰朕敦睦戚臣至意勿得執迷不悛自取罪責嚴禁蜚語已諭緝事衙門體訪拏究

十日

直隸巡按梁夢環一本微臣躬逢盛典事奉

聖旨據奏厥臣忠貞勞瘁克襄大典沉幾先慮潛消亂萌功績茂著朕所鑒知何士晉久係門戶居

官貪黷程註附權居間賍私狼籍俱着彼處撫
按照原叅數目提問追賍解助大工沈惟炳黨
邪害正賣友沽名着削籍為民追奪誥命程良
籌係程註之子着吏部除名永不叙用該部知
道

兵部侍郎魏應嘉一本足疾陡發事奉

聖旨魏應嘉請告情詞懇切准以原官致仕該部知
道

二十三日

吏部一本欽奉

聖旨事山西缺司官推兵部主事王凝祚行人姚昌
錄奉

聖旨着點了的用 姚昌錄有點

吏部又一本殿工告成事奉

聖旨朕以殿工告成特遵彛典叙賚群工乃功積之
多寡人品之邪正朕鑒洞然范景文陞太常寺
少卿提督四夷館遇缺填補郭興治陳王庭賈
毓祥俱陞太僕寺少卿仍管科道事周用賓彭
汝楠王夢尹土業浩俱削了籍為民追奪誥命
該部知道

都察院一本奉差按臣事奉

聖旨據奏李九官奉差因病擅自離任着致仕該部知道

二十七日

吏科李魯生一本

聖政日新事奉

聖旨石萬程遇事難托病規避着削了籍為民當差仍追奪誥命永不叙用祝萬齡着冠帶閑住該

部知道

陝西巡按王大年一本舉劾方面官員事奉

聖旨沈應時周汝弼久係門戶着削了籍為民仍追奪誥命餘俱酌議具覆該部知道

吏部等衙門會推

禮部右侍郎推韓日纘 李標

兵部左侍郎推邵輔忠 霍維華

刑部左侍郎推郭尚賓 傅振商

福建巡撫推朱一馮 黃景章

甘肅巡撫推朱國盛 張三杰

原任青浦縣知縣許惠一一本東林糾黨肆毒事奉

聖旨許惠一聽降自有官評何得據拾妄辯

二十九日

吏部一本欽奉

上傳事奉

聖旨王則古魯經考察况係高攀龍趙南星死黨又屬漏網今復賄鑽謀遷調着削了籍為民當差仍追奪誥命員缺另推爾部即

遵旨行

三十日

工部一本河決不治事奉

聖旨筮繼良久係門戶邪黨着削了籍為民仍追奪誥命餘俱依議行總河漕等衙門着實申飭以警將來該部知道

十一月初一日

吏部一本缺官事奉

聖旨洪敷教陳係奸細武長春前妻之父供狀昭然前早退姑着剋帶閑住員缺另推來看

初九日

吏部一本再報流賊情形事奉

聖旨是內張鵬雲久係門戶着削了籍為民仍追奪

日言正錄
誥命

初十日

工部一本

二朝闕典事太僕寺管寶源局葉憲祖造完寧國公
魏良卿鐵券


南兵部尚書許弘綱一本微臣衰邁已極事奉
聖旨卿才望素隆留樞倚賴請告情詞迫切准回籍
調理以遂恬修該部知道

戶部尚書畢自嚴一本衰病日深事奉

聖旨卿才望素著畱計匱乏正賴持籌請告情詞懇
至准回籍調理以昭姱節該部知道

十一日

工部一本傳奉事奉

聖旨寧國公府第係元勳懋功之丕基昭朝廷錫庸
之巨典工既告成着該部查照  該部知道
吏部一本缺官事奉

聖旨趙士煥素行有玷着冠帶閑住員缺另推

十三日

吏部一本奉差事竣事奉

聖旨歸于宣奉差違限日久况係門戶着削了籍為

民當差追奪誥命該部知道

吏部又一本缺官事奉

聖旨馮時行陞太僕寺少卿管西路事

吏部又一本缺官事四川缺副使推本省參議

洪纖若劉有源奉

聖旨洪纖若有點劉有源為門戶權折着以原官御

史回道管事

吏部又一本欽奉事奉

聖旨是欽點司官姚昌錄填補稽勲司主事

吏部一本欽奉

上傳事後

上傳南京右都朱一桂年力衰邁着剋帶閑住員缺

另推

御史汪若極一本欽奉

聖旨事奉

聖旨這妖書悠謬不根見者宜投諸水火王贊化等

不敢抄傳寔為邪妄着刑部依律治罪該部知

道

十九日

吏部一本咨留賢能司官事奉

聖旨田吉握符東魯贊畫榆關俱著勞績着陞太常寺少卿仍管職方司員外郎員缺另推

二十日

吏部一本缺官事奉

聖旨郭尚賓曾附黨人着削了籍為民當差追奪誥命員缺另推來看

二十二日

吏部一本缺官事奉

聖旨劉廷元陞南京兵部尚書叅贊機務寫勅與他吏部又一本缺官事奉

聖旨袁可立素才品念年力稍衰着加銜致仕以成恬退之志員缺另推來看

二十三日

吏部一本缺官事奉

聖旨田仰陞尚寶司卿管少卿事

大學士黃立極等一本推陞年深官員事奉

聖旨覽卿等奏推陞官員唐大章劉鴻訓劉鍾英俱父係門戶黨邪害人豈堪清要職任都着削了籍為民當差仍追奪誥命該部知道

二十五日

都察院一本

主恩未報事奉

聖旨高弘圖托病規避着冠帶閑住

二十八日

直隸巡按梁克順一本遵奉

明旨等事奉

聖旨梁克順門戶邪黨着削了籍為民追奪誥命其
應解天啓五年銀六百兩接差倉臣如期解進
以濟漕工該部知道

浙江叅議戴君恩一本世直等事奉

聖旨戴君恩多方誘賊獻俘有功已有旨了准加
銜劉時俊為周宗建邪黨摧折久致淪落公論
既明着加銜該部知道

吏部一本功過原無異同事奉

聖旨李應奎前為巡城御史頗以賄聞着冠帶閑住
二十九日

御史張汝懋一本急公之摠事奉

聖旨這本說游士任楊嘉祚房可壯相倚貪濫侵銀
帑金錢數多具有典案可查賍私易訊着嚴行
該撫按官提問將奏內諸款

勘勒限追解以

助大工游士任已經遣戍其贓銀着行原籍撫
按另拘家屬追比完解該部知道

十二月初一日

吏部一本欽奉

聖旨事奉

聖旨袁可立猷風望隆准加兵部尚書致仕還着馳
驛去

初二日

兵部一本欽奉

聖旨事據奏鎮守宣大山山西地方內臣符驗即行給

發知道了以後務邊督撫道鎮果能力洗夙弊
實心禦侮朕自鑒知何得預為條議

兵科李魯生一本黔師已老事奉

聖旨黔事勦撫迄無成局皆因事權相掣聞見互異
這本議裁撫歸督即督撫便控制而專責成說
的是依擬着行王璠楚人不便督楚閔夢得受
命未聞條畫該部多推以憑點用吏部知道

初五日

吏部一本缺官事奉

聖旨真憲時為楊漣所荐置身門戶着削了籍為民

追奪誥命楊邦憲陞都察院右僉都巡撫江西
地方兼理軍務寫勅與他

英國公張惟賢一本不職有同事奉

聖旨張汶先革了職并一千人犯都着錦衣衛拏送
鎮撫司嚴刑究問如律追贓具奏

初八日

原任永平府推官張基命一本荐墨未乾事奉
聖旨張基命以屢荐推陞未任即劣轉王官賢否條
異官評何據着該部酌議具奏

初九日

吏部一本缺官事奉

聖旨吳淳夫陞都察院右副都御史管太僕寺卿事
十一日

陝西巡撫張惟樞一本奉

旨催解指資銀兩事奉

聖旨張問達竭力捐助身已病故情有可矜這續完
銀三千兩作速解進以助殿門其未完銀數着
撫按行勘家資奏請定奪

十二日

兵部主事詹以晉一本直陳無碍事奉

聖旨靈鷲古刹雖廢可修所存田地如何說變價助
工分明畚澁賤價希奪寺業以助工藉口且既
慢神必定害人唐以晉着削籍為民追奪誥命
仍着自行修理寺宇其田因造橋估變佃為民
業的責令贖還本寺為錙銖言利之戒寺新田
還日該地方官申報撫按具奏該部知道

十三日

大理寺卿董光宏一本微臣奏奉

明旨事奉

聖旨董光宏才品素隆自以年暮請休具見恬退准

加銜致仕以成雅志尚有年力衰邁祝以幽陸
夢祖歸子顧俱着加銜致仕該部知道

御史劉徽一本

朝政已著清明事奉

聖旨覽奏熊廷弼侵盜帑金不下萬餘着該撫按嚴
提家屬追贓劉弘化克惡受賄亦有萬餘該撫
按嚴行提問追贓毛士龍邪黨渠魁盜庫有據
着法司提來究問追贓房可壯樊尚燝侵課贓
私即行巡鹽御史徹底清查追贓具奏樊尚燝
先行削籍為民仍追奪誥命該部知道

十四日

順天府丞劉志選一本要典功罪已昭事奉

聖旨這本說王之寀邪黨渠魁追贓未盡厥辜着彼處撫按差的當員役扭解來京孫慎行修怨戎首削奪猶為輕典着彼處撫按問遣戍厥臣赤心報國成功不居朕自能鑒悉其餘忠良諸臣業多畱心擢用府丞錯寫府尹着改正行

十八日

吏部一本缺官事奉

聖旨孫織錦久為門戶阻抑着照原銜議補薊州兵

備兼管糧餉事

十九日

吏部一本徵臣先以備員刑曹事奉

聖旨董茂中以執法不阿遭擯邪黨沉淪有才輿論既明准行優擢以彰公道

二十一日

吏部一本缺官事奉

聖旨吳淳夫陞工部添註右侍郎協理殿門事務吏部一本缺官事奉

聖旨吳應琦陞南大理寺卿

吏部一本缺官事奉

聖旨是商周祚陞南工部尚書

吏部一本缺官事奉

聖旨余喬遷久係門戶着削了籍為民追奪誥命王雅量年力衰邁以原官致仕員缺另推來看

吏部一本欽奉明旨事奉

聖旨董光宏加南兵部右侍郎祝以幽加南工部右侍郎陸夢祖加應天府尹歸子顧加南刑部右侍郎各致仕

二十六日

刑部一本緝獲事奉

聖旨王贊化抄寫妖書踪跡詭秘着發極邊充軍以懲邪誕仍照例送五府責六十板掌印官具奏陳和依擬發落

二十四日

都察院一本請差巡按事奉

聖旨馬鳴世置身邪黨着削了籍為民追奪誥命劉其忠亦係門戶且着剗帶閑住員缺另推來看該部知道

二十五日

吏部一本缺官事奉

聖旨丁啓濬起南太僕寺卿

二十六日

吏部一本缺官事奉

聖旨徐天衢久係門戶着削籍為民追奪誥命員缺
另推

二十八日

鎮撫司一本緝獲事奉

聖旨李思誠于志舒丘志克都着削了籍為民追奪
誥命丘志克侵牟糧餉鑽求陞轉着錦衣衛差

的當官旗扭解來京其周思梅李容宇吳進正
俱着錦衣衛拿送鎮撫司與王家棟一併嚴行
究問追贓完日送刑部依律擬罪厥臣魏忠賢
胸照萬形力持三尺收侵牟以還公帑肅暮夜
以飭官常勞怨不辭勛績茂著着于弟侄一人
與做錦衣衛指揮同知仍賜勅獎勵以示優異
還賞銀五十兩采段四表裡羊二隻酒三十瓶
新鈔三十貫原辦官旗照例并叙該部知道
江北司官于志舒一本辯明等事奉

聖旨于志舒贓証甚明如何來強辯本當拿送鎮撫

司與王家棟面質念已經處分姑不究該部知道

錦衣衛百戶劉大全一本緝獲事奏

聖旨丘志克侵牟糧餉平日居官貪黷可知既拿到送鎮撫司除見銀三千兩着嚴行究問進贓具奏

吏部一本缺官事推應天府府丞過廷訓劉榮嗣奉

聖旨過廷訓陞應天府府丞